

劉兆祐博士主編
中國史學會三編

皇
明
疏
鈔
(上)

臺灣學堂書局 印行

劉兆祐博士主編
中國史學叢書三編

皇明疏鈔
(三)

臺灣學生書局印行

皇明疏鈔 七〇卷 / (明) 孫 旬編 -- 影印本 -- 臺北市 :

臺灣學生, 民75

94,5386面; 12 册, 21 公分 -- (中國史學叢書第三編, 第二輯; 11) 劉兆祐主編

據國立中央圖書館藏明萬曆甲申 (十二年) 兩浙都轉運鹽使司刊本影印。

第二輯新臺幣 28,600 元 (精裝四十五册)

1. 中國一史料 I (明) 孫 旬編 II 集叢名 III 劉兆祐主編
618/8658 V.11

第二輯 中國史學叢書三編

劉兆祐博士主編

國立中央圖書館藏本	皇明疏鈔 七〇卷	編者：明·孫 旬	出版者：臺灣學生書局	登記字號：行政院新聞局版臺業字第一一〇〇號	發行人：丁 文 治	發行所：臺灣學生書局	臺北市和平東路一段一九八號	郵政劃撥帳號：〇〇二四六六八	電話：三二四一五六・三三一〇九七	香港總經銷：藝文圖書公司	地址：九龍又一村達之路三十號地下後座	電話：三三八〇五八〇七	第二輯 一一種全四五册	定價精裝新臺幣二八六〇〇元	中華民國七十五年六月初版
-----------	----------	----------	------------	-----------------------	-----------	------------	---------------	----------------	------------------	--------------	--------------------	-------------	-------------	---------------	--------------

皇明疏鈔卷之六十六

河渠二

重開通惠河疏

王軌

巡按直隸監察御史吳仲題稱奉 命巡視通倉備
檢接管卷內見通州開運一節先該平江伯陳銳都
御史李裕臧鳳俞諫高友璣御史薛為學楊儀楊璋
秦越向信主事鄭珩給事中翟瓚鎮遠侯顧士隆署
都督楊宏各題前事內向信一疏尤為明白簡當鑿
鑿可行但事屢議而竟無成言雖切而卒無補臣竊
思之水陸轉運其勞逸省費較然甚明况陳銳等多
累 朝漕運名臣言必不妄臣因考之元史至元二

十九年都水監郭守敬建言疏鑿通州通惠河引水
置閘興工之日世祖命丞相以下皆親畚鍤為之倡
置閘之處往往於地中得舊時磚木時人為之感服
船遂通行公私兩便先時通州至大都五十里陸輓
官糧歲若干萬民不勝其瘁至是皆罷之自是漕運
無轉般之勞而一代事功卒歸於守敬焉及考金水
海子及浮甕山諸誌典籍昭然而可據踪跡尚在而
可尋何獨至於我朝必欲置閘河於無用費腳價
而不惜哉臣又恐有風水家之說因訪之上源見於
諸陵無損邇其末流於都城無害且源頭活水運
亦流不運亦流初不因運之行止而為河之開塞水

之盈涸此理甚明足破群惑况通流等八閘閘石見存無事於添補閘夫見在無事於添僉閘官見在無事於添設近年營建大木皆由此河直達大通橋下滔滔而進叅將王佐曾舉而行之特易易耳但每至垂成輒復中止者祇為權勢之車輛罔利之牙稅不便所阻臣又考之元史漕運糧儲南木諸物商賈舟楫皆由通惠河直達海子登岸未聞灣民餓死况今止通軍民運船其官私貨物仍舊亦未為全絕其利源也臣竊料閘運一年可省腳價銀十餘萬兩今當民窮財盡之時於國計不為無補臣幾欲具疏上聞猶恐識見未真料理未周不果繼而見在京各

衛因往通州關糧或被官吏冒破或被行伍騙匿或子姪不肖而花費空手而回或陰雨連旬而放遲盤纏過半累累呈告到臣皆為有名無實臣因考之唐都關中宋都河南皆由汴由渭直達京師未聞有貯國儲於五十里之外者我朝通倉其初如徐德等倉故事只有神武中衛小倉已後因漕運來遲暫將京儲收貯通州嚮待轉般因循一代官軍不沾實惠而欲具疏上聞未果然此特其利害之小者耳臣近因乞運邊糧備訪邊關寨堡險夷遠近以備不虞因知密雲等處皆有間道可通若使奸細為之向導輕騎疾馳旋日可至或據倉廩或肆燒燬國儲一空

則京師坐困矣雖有言者但有以開運省費為言而
卒莫有以先代之故事間道之危機為 陛下告者
是豈 陛下信之不專行之不決也語曰人無遠慮
必有近憂傳曰成大事者不謀於衆惟 陛下留神
省察謀之二三元老大臣而獨斷焉萬一 臣言或是
誤蒙 採納即今漕運會議在邇乞 勅戶部工部

查照先今節次題覆事例一併議處就着巡倉御史
會同工部管閘脩倉主事兼理閘運閘板見存脩補
借之各廠少有疏濬并其他用度量支修倉餘剩巡
倉賊罰并所省脚價民財民力一不妄費大運京糧
姑聽陸路自進且令覓船雇人略運百萬以試之如

果可行就將省下銀兩蓋房造船築堤展河次第舉
行所為三七通糧漸撥京師自二八一九而全輸矣
與 國家自然無窮之利杜後世意外不測之虞所
謂富國彊兵殆一舉而得之矣等因具題奉 聖旨
戶工二部便查議了來說欽此欽遵抄出送司案呈
到部擬合就行為此合咨前去煩為查照會議覆
奏施行等因咨部送司查得成化八年談漕運總兵
官平江伯陳銳為陳言便利漕運事該戶部議准興
工挑濬間該司禮監太監懷恩傳奉 聖旨大通橋
一帶工費浩大暫且停止欽此正德二年該巡按直
隸監察御史楊儀題為公務事開稱挑濬大通橋

通州開河以便運糧等因奏行戶部覆奉 聖旨
理開河着戶工二部上緊議處預先整理務濟明年
漕運其餘准議行欽此已經動支太倉收貯水兌腳
價等銀二萬二千餘兩推委漕運叅將梁璽協同戶
部郎中郝海本部員外畢昭興工挑濬去後未見成
功至正德六年間據本部管關主事鄭珩為節財裕
民以圖治安事呈准每年行取剥船五百隻添該開
夫三百名以備搬剥等因奉 聖旨前項夫船俱令
查革改正仍着運糧官軍自行照舊雇車搬運欽此
又於正德十一年八月內該工科給事中翟瓚為疏
通漕運節財用以大利軍民脩理運道從費無益乞

要多官會議開脩運河等因奉 聖旨該衙門知道

欽此欽遵抄出到部行間續該監察御史張欽題為
節財用順人情以利軍民事運河不必脩濬陸路實
為簡便等因又經本部會官議題節奉 聖旨是這

脩理等項事宜着原差侍郎等官一併勘處停當來
說欽此備行巡撫都御史李瓚巡按直隸監察御史
牛天嶠并戶部主事等官董琦等看得前項河道屢
議屢脩而卒無成功者陸路實為經久等因節奉

聖旨是這脩理事宜你每勘處停當都依擬行欽此
已經欽遵會官將前項陸路 欽差戶部侍郎楊潭
本部侍郎劉永督理脩砌完備外查得嘉靖元年四

月內准戶部咨開稱提督漕運都御史臧鳳鎮遠
顧仕隆題京城大通橋至張家灣一帶河道乃前元
轉運通渠永樂宣德年間重加挑濬糧運抵京未幾
貪利之徒阻滯近年營建大木悉由於此若將此河
原設五閘少加脩理轉行漕運衙門動支官錢打造
剝船共二百五十隻每船用官軍四名共一千名仍
置口袋一萬條輪番領裝悉聽叅將王佐委撥官軍
管領撐駕等因已經戶部會同吏部等衙門尚書等
官陸完等題准轉行叅將王佐會同巡倉御史秦鉞
本部管閘主事華湘欽遵從宜處置間隨該御史秦
鉞亦題前事要因八閘之舊址均築五壩之新制就

於其傍各置減水閘一座於內打造剝船蓋造官房
收貯糧米次第至大通橋其朝陽關原有舊河一道
已經築為城壕應否疏通等因題奉 聖旨該部看
了來說欽此抄出查覆聞又該巡按直隸監察御史
向信題稱大通橋至通州一帶閘河累議未修今稱
築壩蓋房不必置蓋每閘轉行漕運衙門打造剝船
五六十隻恐緩不濟事或暫令張家灣河西務一帶
居民聽其造船覓利等因本部已經議得陸路運至
太倉不過四五十里車運腳費雖多一日可抵倉內
船運腳費極省至大通橋下亦當陸運約四五里必
須車羸裝駝方得抵倉所以近橋須立廠蓋房堆

車贏亦當預處且因張家灣即入閘河經閘三
抵通州近該叅將王佐處置運船俱由大河直北
州城下或者又謂城北置創一閘可省前項四閘雖
為捷徑但河勢地形高下須相度停當方可舉行等
因題奉 聖旨是欽此已經通行勘議去後近查得
嘉靖五年三月內該都總督漕運都御史高友璣總
兵官楊宏各題脩治道路以便運餉事張家灣至京
城朝陽關外運道六十餘里高下不平先因雨水車
贏負載糧米俱遭陷溺乞要戶工二部計議早起人
夫差官設法填墊或欲開河設置疏通船隻水陸併
行等因又經議擬覆奉 聖旨是戶工二部便差能

幹屬官一員前去會同巡倉巡城等官督率府州縣應管人負相度脩治務在早完以便糧運開運事宜罷欽此又經通行委官行勘脩理間緣夏秋時月雨水連縣道路泥濘車不得行反為運道之阻合無查照先年運官萬表所議量撥軍夫隨宜填墊特目前一時之急等因覆奉 聖旨是欽此已經轉行提督漕運總兵楊宏量撥軍夫填墊外今該前因通查案呈到部臣等會同戶部尚書鄒文盛等議得巡按直隸監察御史吳仲題稱通州開運屢議而竟無成及考諸志典乞照先前節次題覆事例一併議處就着如倉御史會同該部管開脩倉主事兼理開運

脩倉餘剩巡倉贓罰并所省脚價民財民力一不
費如果可行就將省下脚價蓋房造船築堤展河
第舉行一節為照前項河道屢經建議俱未成功今
本官歷陳先代之故事慮及間道之危機省費轉輸
皆有所據但河道形勢難度財力所資浩繁事體重
大相應勘處停當方可舉行合無候 命下之日戶
部選委屬官一員與本部管閘脩倉主事會同巡倉
御史親詣各閘踏勘形勢高下計料所費工力除各
閘一應樁杉等項應合增置船隻脩房築堤及河道
淺窄處所挑濬及將上源水勢向背地里遠近可以
疏引水歸故道及照大通橋抵倉亦合另設陸運作

何處置各項合用工料錢糧所奏脩倉餘剽巡倉賊
罰及所省腳價有無穀用務從長使經久可行逐一
會處停當通將勘過河道高下及所計工程畫圖造
冊回報以憑會請裁奪若或有碍亦要明白開呈
勿致中止虛費財力其所議通糧全輸京倉以興無
窮之利以防意外之虞姑候脩河畢日另行會處等
因奉聖旨脩濬河閘委係轉漕便利至計永樂年
間已有成筭後乃因循不曾舉行近年屢議脩復皆
為附近貪利之徒所阻亦因大臣不肯任事小官徒
事虛文見今東南民力困竭漕運軍士疲敝苟有
省之策豈可因循不為着戶工二部各委堂上官一